

Radunonza communal dils 13 da zercladur 2019

1. Beinvegni

Il president communal beneventa 40 votantas e votants a questa radunonza communal. Culs 5 commembers dalla suprastonza ed il canzlist ein 46 persunas cun dretg da votar presentas.

Tier la gliesta da tractandas dat ei neginas menziuns aschia che quella vala sco approbada.

2. Elecziun dils dumbravuschs

Ils proponi vegnan elegi unanimamein.

3. Protocol dalla radunonza communal dils 05-12-2018

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. Consentiment senda da tschemas Laax

Decisiun: La radunonza communal approbescha il dretg da construcziun e d'utilisaziun per ina senda da tschemas egl areal forestal (parcella 3432 Uaul Casti ed Uaul Ravanasc) cun 36 vuschs GIE e 6 vuschs NA.

5. Rapport e quen annual 2018

Decisiun: La radunonza communal approbescha il quen annual 2018 senza cuntervuschs.

6. Quen annual per igl onn da scola 2017/18 dil consorzi da scola superiura scolaviva

Decisiun: La radunonza communal approbescha il quen annual per igl onn da scola 2017/18 dil consorzi da scola superiura senza cuntervuschs.

7. Damonda da susteniment Associaziun da consum Falera-Laax

Decisiun: La radunonza communal approbescha la damonda da susteniment sur frs. 30'000.- ad onn per ils proxims treis onns (2019 – 2021) cun 42 vuschs GIE ed 1 cuntervuschs.



8. Nova lescha davart taxa da hosps e taxa turistica (lescha da turissem LT)

Decisiun: La radunonza approbescha la lescha davart taxa da hosps e taxa turistica (lescha da turissem LT) cun 38 vuschs GIE e neginas cuntervuschs.

9. Supplement tier il contract da dretg da baghegiar Casutt AG, Bauunternehmung

Decisiun: La radunonza approbescha il supplement tier il contract da dretg da baghegiar Casutt AG, Bauunternehmung senza cuntervuschs.

Il president communal siara la radunonza allas 23:00.